

Herba erecta c. 50–60 cm. alta. *Caulis* striatus glandulopilosus leviterque araneosus, dimidio superiore paniculate ramificatus. *Folia* radicalia non visa; folia caulina inferiora ad 8·5 cm. longa, 4 cm. lata, petiolata, pinnatisecta, utrinque 4–5 lobis angulolobulatis, lobis lobulisque apice mucronata, margine plus minusve revoluta, petiolis ad 3·5 cm. longis, saepius plus minusve alatis, canaliculatis, basi subamplexicaulibus, suffulta; folia caulina intermedia sessilia, pinnatim lobatim, basi auriculata semiamplexicaulia; folia suprema lanceolata, margine sinuato-dentata, basi leviter auriculata; omnia supra sicco nigro-brunnea scabrida, subtus ad costam nervosque pilis resiniferis luteis crebre instructa aliter dense niveo-araneosa. *Capitula* solitaria, ramulos laterales terminantia, ad 2 cm. diametro. *Involucris* bracteae exteriores foliaceae, interiores excedentes, indumento ei foliorum simili; interiores oblongo-lineares, ad 12 mm. longae, 1·25 mm. latae, apice longe attenuatae, biflectae, dorso brunneo-pilosae, margine ciliatae. *Flosculi* 20–30. *Corolla* alba, 10 mm. longa; tubus 7·5 mm. longus, apicem versus subito dilatatus; lobi 2·5 mm. longi. *Antherae* purpureo-brunneae, c. 3·5 mm. longae, exsertae, basi longe fimbriato-caudatae. *Achaenia* c. 2·5 mm. longa, 4-angulata, ad angulos tuberculata; pappus pallide fuscus, 8 mm. longus, uniseriatus, plumosus. *Receptaculi* fimbriillae c. 8 mm. longae, achaenia multo excedentes.

Doi Chiengdao, c. 2100 m., open rocky ground, *Kerr* 6613.

***Lactuca Garrettii* Kerr** [Compositae—Cichorieae]; ab affini *L. hastata* DC. capitulis maioribus, foliis magis lobatis recedit.

Herba robusta, erecta, 50 cm. alta vel ultra. *Caulis* fistulosus, crebre striatus, juventute leviter brunneo-tomentosus, mox glabrescens, superne ramosus. *Folia* radicalia non visa; folia caulina sessilia, inaequaliter pinnatim lobata, ad 17 cm. longa, 5 cm. lata, lobo terminali ad 8 cm. longo, 3·5 cm. lato, apice longe sensimque acuminato, acuto, lobis lateralibus utrinque 1–3, obtusis, mucronatis, ad 2·5 cm. longis, 1·7 cm. latis, margine remote mucro-dentata, basi auriculata, amplexicaulia, supra glabrescentia, subtus ad costam nervosque prominentes sparsim brunneo-tomentosa. *Capitula* pedunculis 1·5–7 cm. longis, brunneo-tomentosis, suffulta. *Involucris* bracteae pluri-seriatae, glabrae, introrsum sensim maiores; exteriores 3 mm. longae; interiores ad 13 mm. longae, 2 mm. latae, margine anguste scariosae. *Flosculi* c. 12, violacei (ex *Garrett*). *Corollae* tubus 5 mm. longus; ligula 12 mm. longa, 5 mm. lata. *Antherae* 5·5 mm. longae. *Achaenia* (omnia matura visa imperfecta, basi erosa) compressa, fere nigra, in rostrum pallidius c. 4·5 mm. longum sensim attenuatum, disco pappifero 0·75 mm. diametro; pappus interior albus, c. 7 mm. longus; pappus exterior ex setis brevissimis constans.

Doi Ka, Pa Ngem, 2145–2195 m., *Garrett* 68.

***Lactuca Putii* Kerr** [Compositae—Cichorieae]; species *L. hastatae* DC. affinis a qua capitulis minoribus 4–5-floris differt.